

& principal bourg de nostre district, auquel nous auons donné le nom de sainct Pierre & sainct Paul. N'ayant peu trouuer aucun Sauuage au bourg de la Conception pour venir avec nous, les chemins estans alors trop mauuais pour des gens qui ne cherchent pas Dieu; nous fumes contraints de partir seuls prenant nos bons Anges pour guides. Sur le milieu du chemin, n'ayant [166] pû trouuer vn certain destour qui nous eust conduit à quelques cabanes qui font vn peu à l'escart, nous fumes surpris de la nuit dans vne sapiniere: nous estions en vn lieu humide & ne pouuions en aller chercher vn plus sec: nous eufmes assez de peine à nous amasser quelques morceaux de bois pour faire vn peu de feu, & quelques branches feiches pour nous coucher dessus: la neige nous menaçoit d'esteindre nostre feu, mais elle cessa incontinent. Dieu soit beny, nous passafmes la nuit fort doucement. Le lendemain matin nous rencontrafmes quelques pauures cabanes dans les champs, mais ils n'auoient point de bled. Y trouuant compagnie pour venir dans le pays nous ne la voulufmes perdre, pource que les chemins estoient fort difficiles à raifon des neiges nouvellement tombées qui auoient effacé les pistes, Nous partifmes donc & allafmes par de bien mauuais chemins en vn bien mauuais temps à vn petit village que nous nommasmes S. Thomas; nous fimes bien vne lieuë à la feule clarté de la neige, & arriuasmes vers les huit heures du soir avec bon [167] appetit, n'ayant pas mangé en toute la iournée que chacun vn morceau de pain. Nous n'auions aucun dessein sur ce bourg là plustost que sur vn autre: mais ayant pris la compagnie des Sauvages qui se presenta, & les ayant fuiuis, nous arri-